



## **Aningaasaqarnermut Nunanullu Allanut Naalakkersuisoq**

**Marlunngornermi ulloq 7. november 2006-imi Aningaasaqarnermut Ataatsimiititaliap aalajanginera pillugu Naalakkersuisunut ilisimatitsineq - Suliaq nr. 01.31.06/06-00202**  
(Naalakkersuisut aalangiinerat ulloq 3. november 2006)

**Nerukkaatissarsinermi akiligassarsinermit Namminersornerullutik Oqartussaniit qularnaveeqqusiineq pillugu ilassutissatut aningaasaliinissamut qinnuteqaat**

Naalakkersuisut **inassutigaaat**,

- suliaasaqarfik 51 Inuussutissarsiutinut tapersiisarnermut (ESU) Nr. 3-mut oqaasertanut allannguutissaq ilanngunneqartoq kiisalu oqaaseqaatit tassunga atasut Inatsisartut Aningaasaqarnermut Ataatsimiititaliaanut ingerlateqqinneqassasut.

### **Aningaasaqarnermut Ataatsimiititaliap oqaaseqaatai**

2006-imi aningaasanut inatsimmi suliaasaqarfik 51-ip, Inuussutissarsiutinut tapersiisarnermut (ESU) tunngasumi nr. 3-mut oqaasertaliussanut ilassutitut aalajangersagaq matuma kinguliini allanneqartoq Aningaasaqarnermut Ataatsimiititaliap akuersissutigissagaa Naalakkersuisut kissaatigaat:

### **”Suliaasaqarfimmut 51-imut**

7,0 million kr.-it tikillugit taarsigassarsisitsinermi killiliussat iluanni, aamma 2007-ip naanissaata tungaanut atuuttussamik nerukkaatissinermi 2006-imi akiligassarsianut 100%-imik matussusiisunut aningaaserivinnut akiligassarsisitsisuusunut qularnaveeqqusiinissamut Naalakkersuisut piginnaatinneqarput.”

### **”Oqaasertaliussamut oqaaseqaatit**

2007-imi akilereerneqarsimasussamik 100%-imik qularnaveeqqusiineq taanna aningaaseriviup akiligassarsisitsisuusup annaasaqaateqarsinnaaneramik matussusiisussatut isigisariaqarpoq.

2006-imut AI-mi oqaasertaliussani atuuttuni Naalakkersuisut pisinnaatinneqarput savaatillit aningaaserivimmi namminersortumi nerukkaatissanik pisiniarnermi akiligassarsineranni 50%-inik qularnaveeqqusiisinnaanissaannut. Taanna qularnaveeqqusiineq aningaaseriviup akiligassarsisitsisuusup piumasaraa akiligassarsisitsinerup akilersorneqarnera naallugu 100%-imut qaffanneqassasoq.

2006-imi oqaasertaliussaq Naalakkersuisut 100%-imik qularnaveeqqusiisinnaanerannik pisinnaatitsisoq taamaattumik AI 2007-imut ingerlateqqinneqassaaq.”

2005-imi 2006-imilu nerukkaatisinermut akiligassanngukkat 2006-imi tunisinermut atatillugu ullumikkut maleruagassat atuuttut malillugit utertillugit akilernerqarnissaat pillugu savaatillit aalajangersimasumik ajornartorsiutaat oqaasertaliussassatut siunnersuutigineqartumi aallaavigineqarpoq. Oqaasertaliussassatut siunnersuutikkut 2006-imi nerukkaatisinermut akiligassanngukkanut akiliinissap sivilissusaa sivitsuiffigineqarpoq.

**Aningaasaqarnermut Ataatsimiititaliap aalajangiinera**

Siuliini oqaaseqaatigineqartut innersuussutigalugit Naalakkersuisunit innersuussutit Aningaasaqarnermut Ataatsimiititaliap **akuersissutigai**.

Inussiarnersumik inuulluaqqusillunga

Ellen Christoffersen

Aningaasaqarnermut Ataatsimiititaliami siulittaasoq